

Sarkina Bt Mat Saad @ Shaari

From: UUM CORPORATE COMM.
Sent: Tuesday, February 25, 2020 4:31 PM
To: UUM - All Staff; UUM - All Students
Subject: Seminar Ancaman Keselamatan Global Buka Mata Warga UUM Cakna COVID-19



UUM Corporate Comm.
Universiti Utara Malaysia

25 FEBRUARI 2020 / 1 REJAB 1441H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nurul Sahadar Che Nuh
Gambar oleh: Shamsaimi Ezil

SEMINAR ANCAMAN KESELAMATAN GLOBAL BUKA MATA WARGA UUM CAKNA COVID-19



UUM ONLINE: Awal tahun ini, dunia dikejutkan dengan serangan *Coronavirus* yang bermula di Wuhan, China sebelum merebak ke seluruh dunia.

Coronavirus atau COVID-19 itu menjangkiti paru-paru dan saluran pernafasan yang boleh menyebabkan mangsa meninggal dunia jika tidak dirawat segera.

Bagi meningkatkan kesedaran tentang penularan virus itu, Pusat Pengajian Antarabangsa (SOIS) telah menganjurkan Seminar Ancaman Keselamatan Global: COVID-19 di Auditorium SOIS, kelmarin.

Ketua Penolong Pengarah Kanan, Unit Kawalan Penyakit Berjangkit, Jabatan Kesihatan Negeri Kedah, Dr. Sunita Abdul Rahman berkata, virus ini merupakan satu virus baru dan proses penyebaran adalah lebih cepat berbanding virus Influenza A.

“COVID-19 selalunya menjangkiti saluran pernafasan hingga menyebabkan mangsa sukar untuk bernafas.

“Tanda-tanda gejala virus ini adalah demam, batuk dan selesema. Tanda awal gejala ni harus diketahui oleh masyarakat supaya boleh segera mendapatkan rawatan sekiranya positif COVID-19,” katanya.

Beliau berkata, COVID-19 terjadi disebabkan kurangnya perhatian terhadap kebersihan diri yang menyebabkan risiko untuk dijangkiti adalah tinggi.

Sehubungan itu, beliau menasihatkan agar masyarakat dapat memakai topeng muka dan selalu mencuci tangan dengan *sanitizer* (cecair pembasmi kuman) yang mempunyai kandungan alkohol untuk perlindungan diri.

Sementara itu, dalam ceramah oleh pensyarah SOIS, Prof. Madya Dr. Mohammad Zaki Ahmad menerangkan tentang bahaya COVID-19 dan impak kepada dunia global.

Menurutnya, kes terkini yang dilaporkan pada 22 Februari lalu mencatatkan jumlah keseluruhan kes adalah 77,794 dengan angka kematian mencecah 2,359 (Sumber WHO).

Menurutnya, COVID-19 memberi impak dalam pelbagai aspek seperti pelancongan, mengganggu rangkaian rantai bekalan dan halangan akses kepada pasaran pengguna kedua terbesar di dunia itu.

Seminar lebih dua jam itu diakhiri dengan sesi soal jawab bersama penceramah.



Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.